



Inatsisartunut ilaasortaq
Karl Lyberth
Siumut

Besvarelse af § 36 spm vedr. lejrskoler af Karl Lyberth

6. april 2010
Sagsnr. 2010-024961
Dok. Nr. 349182

Naalakkersuisut apeqqutinnut qujapput.

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

Apequt: Atuartut asimiitneqarnerini (lejrskole) angallat atorlugu nikilaarnissami, soorlu aalisariartitsinerni, angallatit ilaasoqarnissaminnut akuerisaasut kisimik atorneqaqqusaappaat, imaluunniit umiatsiaaqqat nalinginnaasut atorneqarsinnaappat?

Akissut: Meeqqanik/inuusuttunillu suliffeqarfiit imaatigut angallassisinnaanerit Kalaallit Nunaanni pissutsinut tulluarsakkamik akisussaaffeqartumik pisinnaaqqullugu Søfartsstyrelsi Namminersornerullutik Oqartussat isumasioqatigalugit tamatumunnga malittarisassiorsimavoq. Taakku malittarisassat oqaatigaat suliffeqarfiit angallataat tassaassasut angallatit akuerisaasut.

Inunnik angallassinermi angallatit meterit 15-it ataallugit angissusillit pillugit maanna atuuttoq malittarisassamut tunngaviusoq tassaavoq Søfartsstyrelsip teknikkikkut maligassiaa nr. 10, 2. december 2003-meersoq; "Teknikkikkut maligassiaq angallatinut minnernut amerlanerpaanik 12-inik ilaasoqarsinnaasunut" Søfartsstyrelsip teknikkikkut maligassiaa "L" 1. oktober 2006-meersoq naapertorlugu suliffeqarfiit meeqqanik/inuusuttunik angallassisarnerat maligassiami siullertut taasami ilaavoq.

Suliffeqarfik nammineq angallataateqanngippat, atuartunik ilinniartitsisunillu angallassinuq pissaaq angallatit akuerisaasut atorlugit, tassa ilaasunik imaatigut angallassisinnaanerut akuersissummik peqartut.

Maligassiat tulliuuttut umiatsiaaqqanut gummibádinullu atuupput (angallatit amaannartut)

Angallatit 3,5 meterit ataallugit angissusillit taamaallaat atorneqarsinnaapput "kalitatu", angallammit nunamut ikaartaatit kiisalu sissiuukkani. Taakku ilaasut amerlassusissaattut akuerisaasoq sinnemagit ilaasoqarsinnaapput. Ilaasut tamarmik puttaquteqassapput.

Angallatit 3,5 meterit sinnerlugit angissusillit sinerissamit 500 meterit sinnerlugit ungasilleqqusaanngillat. Ilaasut tamarmik puttaqutitalinnik puttasinnaasunik atallaaqassapput. Taakku ilaasut amerlassusissaattut akuerisaasoq sinnemagit ilaasoqarsinnaapput.

Suliffeqarfiit meeqqanik inuusuttunillu imaatigut angallassisarnerat isumannaatsumik akisussaaffeqartumillu pisinnaaqqullugu, Naalakkersuisut tamatumunnga tunngassuteqartut malittarisassat qasukkartinniingilaat.

Apeqqu: Atuartut nikisilaarlugit qaqqamut pisuttuartissagaanni angallassinissamik immikkut ilinniarnikut kisimik angallassinnaappaat, imaluunniit ilinniartitsisut atuartunik nakkutilliisut pisuttuartitsinissaminnut pisinnaatitaappat?

Akissut: Aalajangersagaqanngilaq atuartut asimiinneranni asilerinermi siunnersortinik atuinissaq pillugu, ilaatillugu lejrskoliniinneq (takuum Atuartitsinerup ingerlanneqarnissaata naammassineqarnissaanut periusissat atuarnerullu nalaani atuarfiup atuartunik nakkutilliinera pillugit Namminersornerullutik Oqartussat nalunaarutaat nr. 11, 14 maj 2003-meersoq.)

Apeqqu: Atuartut asimiitinneqarnerini piumasaqaatit allat suuppat? Imaluunniit inertequtit allat suuppat?

Akissut: Atuartitsinerup ingerlanneqarnissaata naammassineqarnissaanut periusissat atuarnerullu nalaani atuarfiup atuartunik nakkutilliinera pillugit Namminersornerullutik Oqartussat nalunaarutaat nr. 11, 14 maj 2003-meersoq naapertorlugu tamatigut atuarfiup akisussaaffigaa atuartut nakkutigissallugit lejrskolimiikkaluarpata imaluunniit atuartitsinermut atatillugu allatigut asimiikkaluarpata. Nakkutilliinerup ingerlanneqarnissaanut atatillugu kommunini aalajangersakkat nikeralaarsinnaapput, soorlu lejrskolimi ikinnerpaamik ilinniartitsisoq ataaseq VHF-certifikateqassasoq imaluunniit ikiueqqaarnermut uppernarsaammik peqassasoq.

Inussiarnersumik inuullaqqusilluta

Mimi Karlsen